


續河南通志


三十九之四十一



漢書門類	
九〇七號	函架
一〇三架	冊架
三二冊	

內閣文庫	
九〇七號	漢書類
一〇三架	冊架
三二冊	

內閣文庫	
番號	漢 907
冊數	32 (16)
函號	292112



續河南通志卷之三十九

學校志

淺草文庫

帝王典學之制辟雍鐘鼓代有加隆而興賢育才至

我

朝而大備

天子臨雍釋奠巡幸闕里

頒儀注定樂章崇儒右文超越百代而上河洛圖書靈

數名賢道教攸存諸生試於習禮之餘仰觀

文治當必有勃然興起者續學校志

學宮

附書院社學

開封府

開封府儒學乾隆元年奉

旨啟聖宮易名崇聖祠二年奉

上諭增祀吳澄於兩廡三年

詔以先賢有子若列十哲之次

各府州縣學同

祥符縣儒學乾隆二年知縣張淑載重修

杞縣儒學名宦祠舊在學宮西北鄉賢祠在學宮南

乾隆二年邑人高淑弼等捐修皆移於戟門之左

陽武縣儒學雍正八年知縣麻居湄乾隆八年知縣

談諶曾重修

封邱縣儒學乾隆二十一年知縣曾興柱重修

儀封縣儒學乾隆二十四年知縣紀黃中重修

鄭州儒學乾隆三年知州張鉞重修

滎澤縣儒學雍正八年知縣巴鑿九年通判李維坊

重修乾隆八年邑紳李士甄增葺三十年併河陰縣

學為鄉學

滎陽縣儒學乾隆十年知縣李煦重修

新鄭縣儒學乾隆十一年知縣王大樹重修

崇聖祠十七年知縣陳中捐資修

大成殿

歸德府

歸德府儒學乾隆十六年知府陳錫輅重修

陳錫輅重修儒學記

國家重熙累洽海宇乂安八埏之內守土者罔不崇飾學宮俾

翹秀之士修容乎禮園翺翔乎書圃况在微子受封之地為

至聖源流所自者哉郡學自前代迄今屢經興替

皇帝御宇之十有五年余奉簡命由河南郡調守是邦下車之後肅謂

聖廟顧見丹雘昧梁桷彫剝懼不足以揭虔妥靈匠

成翹秀思有以重新之退計所費非數百緡不濟乃

首捐薄俸而邑人之好義者各輸金襄事因是擇吉

鳩工圮者整之缺者補之漫漶者彩煥之始於辛未

秋迄於壬申春凡數閱月而告竣嚴嚴翼翼烘赫有

煒矣夫學校者人才所從出其間興替如山谷之出

雲焉雲之厚薄視乎山之崇卑人才之多寡視乎學

校之盛衰而已歸郡九庠科名甲於中土而郡庠弁

之以

先師禮教之留遺而重以絃歌之陶淑則為功較易也自

茲以往將見霞蔚雲蒸蛟騰鳳起人才之興其未有

乎艾

寧陵縣儒學雍正八年知縣常衍田松齡相繼增葺

乾隆十年知縣梁景程重修

鹿邑縣儒學乾隆二十四年知縣王世仕重修節烈

祠又於明倫堂東新建

萬壽亭

永城縣儒學乾隆二十三年知縣羅士昂重修

大成殿二十九年知縣李夔班自

崇聖祠明倫堂次第修建並移建名宦鄉賢等祠於儒

星門外

虞城縣儒學雍正十一年知縣張元鑑倡修邑紳許

士正等協力董成

彰德府

安陽縣儒學乾隆三年知縣陳錫輅重修

學校志 學宮 三

湯陰縣儒學雍正八年知縣楊世達重修

林縣儒學乾隆四年知縣丁永琪重修

武安縣儒學雍正八年知縣唐繹祖修櫺星門易木

為石

內黃縣儒學乾隆三年知縣李湏重修明倫堂十年

知縣萬作霖重修

崇聖祠戟門櫺星門泮池影壁明倫堂及各宦鄉賢忠

義各祠

衛輝府

汲縣儒學訓導公廨乾隆十年訓導楚蘭重修

新鄉縣儒學雍正十三年邑令張鉞重修尊經閣乾

隆二年知縣時正修梓潼祠五年邑令趙開元增修

晦菴祠櫺星門兩廡泮池及明倫堂六年捐俸重修

聚奎樓九年創建神器庫三楹於明倫堂之西十一

年重修

大成殿明倫堂敬一亭

崇聖名宦忠義孝弟節孝等祠儒林坊及教諭等宅增

文昌閣門檻週圍盡砌花磚墻垣

趙開元增修學宮記

新鄉縣廨之東為學宮廟制雖不甚嚴麗然殿廡粗具尚可棲

神至櫺星門內外牆頽木朽往來者視若通衢而兩廡泮池及明倫堂所在亦多傾圮若廟中祭典固陋相仍禮器偷舞殘缺未備

先師俎豆之區狼藉至此何以興賢育才佐天子右文之治也是宜先崇廟貌以肅觀瞻將一切敝墜者謀所以修葺之計工度材約需白金八百邑值災

青之餘積賦未清民力未可以勞為捐俸以舉其事而監視之周區畫之善則學博潘君實董其成也肇工之日適領新製祭樂器收貯廟中因語潘君曰此正禮樂聿興之時也講明修正非異人任當與君共之潘君勤於鐸職素切釐定絕不河漢余言爰購大清會典及通志各書公餘與潘君共相考核補造先儒之神主以定位次詳稽祭器之品物以肅灌將至禮節有一定之儀文樂舞有自然之度數綴說繪圖彙成一帙俾俎豆之司鼓翟之吏有所循而守焉庶幾入廟生敬臨事而專致其精明神既得所憑依而又能盡其所以交於神明之具將見聖人在御羣賢陟降是則一代文明之治而余兩人旦暮望之者乎

輝縣儒學雍正六年知縣張鏐始建忠義孝弟祠乾隆十三年知縣王孚補修

大成殿十五年知縣高儁飛重修奎光樓十八年知縣文兆奭修

崇聖祠二十一年重修

大成殿及兩廡名宦鄉賢忠孝節義各祠

獲嘉縣儒學乾隆七年署縣事趙開元新東廡十八年知縣吳喬齡修尊經閣魁星樓改建

崇聖祠敬一亭新

文廟周垣重建訓導宅

滑縣儒學乾隆二十六年知縣呂文光重修

懷慶府

孟縣儒學乾隆二十七年邑紳士捐資重修

溫縣儒學雍正十三年知縣顧心錯重修東西廡乾隆四年知縣范元灝重修

崇聖祠五年教諭韓完增建東房六年知縣祀世德重修鄉賢祠邑貢生吳大謨重修卜子祠七年知縣張承謨重修

大成殿九年修戟門二十二年知縣王其華改建鄉賢祠於

崇聖祠左右又重修明倫堂及西齋房

原武縣儒學乾隆四年知縣吳文忻重修十二年教諭萬侯重修明倫堂

河南府

鞏縣儒學乾隆元年知縣季璟補修

大成殿六年署任知縣朱續志重修

崇聖祠十年知縣邱軒昂重建櫺星門敬一亭黑門樓其餘傾圮處次第修葺

登封縣儒學乾隆三年知縣施奕簪修

大成殿其餘自八年十一年相繼重修

澠池縣儒學乾隆十年知縣梁易簡倡捐重修增置更衣亭於櫺星門左隙

嵩縣儒學乾隆二十五年教諭陳常訓導劉筆華重修

崇聖祠三十年知縣康基淵疏濬泮池引賈寨水盈池而東南會高都水入伊

南陽府

南召縣儒學雍正十三年知縣楊嗣清修

大成殿戟門乾隆四年知縣朱禮陶重修櫺星門泮池

明倫堂傳道齋授業齋

崇聖祠及文昌祠各宦鄉賢等祠七年知縣諸齊賢修

圍牆照壁八年知縣包桂修禮門義路

唐縣儒學乾隆三十年知縣宋梅重修

桐栢縣儒學乾隆九年知縣劉元亨建名宦祠十八

年知縣鞏敬緒遷奎星樓於金臺觀之巽地

鄧州儒學雍正十二年知州杜邁文重修

大成殿乾隆十四年知州劉日章移修

崇聖祠於殿後改敬一亭於各宦祠南又修建學正訓

導署

新野縣儒學乾隆二年知縣陳德重修十九年知縣

徐金位重建奎樓修鐘鼓樓二十八年知縣方鳴球

捐修照壁泮池

裕州儒學乾隆二年知州宋立重修

舞陽縣儒學雍正十二年知縣繆集重修

汝寧府

確山縣儒學乾隆九年知縣周之瑚增修

大成殿東西兩廡及文昌閣魁星樓

羅山縣儒學乾隆十二年知縣葛荃倡捐修建

大成殿及東西兩廡餘於十二年相繼重葺十三年捐

募新建文昌祠魁星樓

陳州府

陳州府儒學乾隆元年知府金山知縣潘廷偉教官

賀繼及紳士捐修九年十年知縣宋士莊修文昌節

孝祠十七年添設府訓導署十八年紳士捐修東廡

十九年修

大成殿

金山重修儒學碑記

古者有庠序學校之名而今一歸於學顧由漢以來惟大學耳

唐有天下始詔諸道州縣並置學至宋景祐中始立學寶元中大郡立學慶歷中諸路州無不立學猶曰州士滿百人乃得立焉故其間興廢不一及洪武中既定國子監令天下府州縣皆立學用是三百年來號稱極盛我

朝鼎興尊崇

先聖視前代有加今上御極之二年

詔於

京師大成殿更易黃瓦規制一如闕廷禮禁隆矣余竊謂鄉學之設原與國學相表裏國學之中備法駕親臨祖割行饗射禮聚諸生圍橋問道示之於古文之盛而鄉學之中亦當新賢舍潔庭宇修飾車服禮器陳鐘鼓管絃於前俾文學之士得以考課肄業而顧任宮墻之圯聽梁木之壞一如秦人視越人之肥瘠也其可乎陳昔於治為州雍正十有二年始改郡余方量移二千石來守是邦既視事即舉行釋菜禮禮畢周視殿廡半皆頽落亟進兩博詢其闕狀胥曰前守黃公議撤舊而更新之邑子衿各捐助有善意顧工鉅費縮不克勝任幸公之來庶藉手以告厥成余曰學宮之新非第神有所依而已宋李觀不嘗言之乎大懼人材放失而儒學凋疎也余承乏守土敢不率先以為倡爰助銀庀材而准合潘君廷偉亦踵捐於後諸紳士復相勸勉計聚錢幾千緡與修有日矣會潘令以事罷去署篆者為許昌別駕程公公益傾橐金以飲丕建始克竣事仆者起斷者續剝蝕者以新煥乎屹若較昔增崇經始於丙辰之春落成於丁巳之夏凡閱歲餘云工竣諸君因前請於余曰廟之興既惠徼令一言茲可無一言以垂不朽余退謝

曰是役也匪余一言是私繫天子明命是奉臺使者德意是承而二三子實並圖利之

今者我皇上升中禮成慶施中外廣士額以登人材而吾陳適會

文廟修復之初是先聖之大啟佑也多士其交勉之雖然李觀之訓袁氏又

曰爾由庠序踐古人之路則談禮樂以陶吾民是惟朝家教學之意若其弄筆墨以徼利達當亦二三子之羞觀之言切而有本余尤願諸生之勉之因書此以泐諸石他若某某董事之勤與捐費之功均不可沒並得鐫姓名於碑之陰

淮寧縣儒學即府學雍正十二年改府設縣學宮仍舊乾隆十七年知縣馮奕宿添設縣教諭署

太康縣儒學雍正十三年知縣吳本涵改建文昌閣南向重修魁星樓及節孝祠乾隆十年知縣宋士莊

修節孝祠二十四年知縣武昌國重修文昌閣改為

西向增高魁星樓三丈餘移忠義祠於明倫堂東而遷烈女於此祠二十七年並遷節孝於此祠內

扶溝縣儒學雍正十一年知縣周鈺改明倫堂為

崇聖祠以

崇聖祠為忠義祠而改忠義祠為明倫堂乾隆十三年知縣馬伯輅修建兩廡二十七年知縣董豐垣重建

大成殿明倫堂並修

崇聖忠義名宦鄉賢等祠及兩廡櫺星門戟門魁星樓

泮池宮墻

秦百里重修儒學記郡縣之有學即周禮論秀於鄉之遺意也三代以來名臣大儒立功於當世者無不預養之於郡縣之中使之強學以待問忠信以待舉力行以待取又以時執豆邊謹

齋厨登降拜跪習禮其中然後有以歛束其精神而感發其志氣是故縣之學宮固亦為賢父母者所以周旋趨踰憑藉靈爽以教誨其邑之子弟者也扶溝學在縣治之東南始於元延祐三年迄崇正末天下

擾攘兵燹之消磨者殆盡我

朝啟運濡澍湛澤首重文教滋斯土者漸次修復規模儼然比年以來風雨鳥鼠之災又已垣傾級圯棟落椽搖矣蓋緣前此理其事者務求速就土木之需弗圖堅好是以歷時未久而遂至於摧敗零落為可歎也辛巳歲余同年董君豐垣蒞任茲土拜謁之下懼無以妥靈爽而聳觀瞻首捐廉俸庀材鳩工邑之人士靡不協從迺令教諭毛宜桓訓導李三德日董其事椽稅必堅瓦瓦以良自

大成殿明倫堂以及兩廡之外戟門之內其間

宗聖名宦鄉賢節義之祠皆葺而新之致齋有所供庖有次餘以丹雘繚以周垣鱗如翼如拭如采如莫不整齊工既竣將伐穹隆之石徵文承之而來請於余余奉

天子命視學中州日夜黽皇竊懼無以宣教化而端士習今觀董君所為若此誠知為政之本而平日之教化於其邑者亦可知矣蓋聖人之道嘗譬之於登山觀海今與人日言山水人未必樂之與之陟泰岱之

崇高臨江湖之浩淼彼方且心目彷徨延頸四望慨然不知其情之移也聖人之道大而能博日耳提面命而人未必聽之與之升殿庭觀其聳濯靚深美富森列彼必屏息歛容惟恐稍越恍然不知其志之肅也若是者何也因其情以導之而教易行也自今以始董君且率其邑之子弟於月朔望肅衣冠再拜稽首講孝弟說仁義而其子弟之從事於斯者瞻望車服禮器莫不順愛其父母而樂受其教誨修身砥行明於有成務其實無悅其華修其內無慕乎外若弓之調而求勁若馬之服而求良則庶乎與古名臣大儒後先相望而無愧於登聖門之堂矣是固賢父母之意而亦余之所日夜蘄望於邑之人士者也爰為記之

西華縣儒學雍正十年知縣劉焜清出侵佔舊址七弓二尺南北廣狹準此是年紳士捐修魁星樓乾隆八年教諭李南移建

崇聖名宦鄉賢各祠於櫺星門東西十年知縣介錫齡

倡捐修學宮十八年知縣宋恂復修補傾圮處

商水縣儒學雍正十年邑人候選知州李震普重修

明倫堂

項城縣儒學雍正十二年知縣劉俶重建

劉俶重修學宮記

孔聖德冠百王道隆萬禩世之讀其書被其澤者自淑淑人開來繼往何廣且大也是故上自帝王下逮士庶莫不師尊之景行之煥宮墻光俎豆春秋饗祀賓介肅雍其典始自成均而遍及乎遐陬郡邑以此黼黻治平倡導風化猗歟休哉俶於雍正甲寅夏季奉檄來項首謁學宮仰視殿宇摧危凡兩廡垣櫺俱敗壞傾頽愴然在目詢之多士云自康熙二十年間邑宰顧芳宗修葺以來今垂五十年因循苟簡無能舉而新之俶不禁喟然興嘆竊念風俗之興由於教化而學校者教化所由出也

今天子右文重道車書明備禮樂光昌項子故都又人文淵藪俶以遼東下士忝列科名臨蒞茲土乃觀雍宮

泮水淪落於荒烟蔓草伊誰之責歟亟謀諸教諭王君夢賚訓導張君湛估計磚瓦木植及工食等用不下千金爰捐薄俸并勸闔邑紳士黽勉樂輸共成盛舉週歲中鳩工並作凡殿廡前後莫不燦然一新計費八百餘金歷次年冬始告厥成其間經營而贊襄之者在籍縉紳閭聖言石崑石疑祥高攀龍等均有力焉俶因之有感矣士子讀書稽古弋取功名凡叨一命之榮能飭廉隅而篤治體者不外聖人之教是役也謂非風俗之樞機教化之源本哉觀感之下得勿有子與子言孝弟與弟言悌家敦修者人樂橫經者乎將見人文蔚興賢才輩出於都人士有厚望焉至明倫堂及兩學博私解適俶以奉音入都勿勿未獲整理不無餘憾尚賴後之君子增修而續成之是為記

沈邱縣儒學雍正十二年知縣諸齊賢重修

大成殿是年教諭魯之璠捐修學署始穿井創立學圃

訓導劉羣集捐修學署十三年紳士捐建學庫乾隆

三年知縣王郁文重修櫺星門八年復修

大成殿十年知縣馮澎倡捐重修明倫堂

汝州

汝州儒學舊在城隍廟右明天啟時遷州西北隅舊

學草萊污穢半淪坎窞乾隆六年紳士即故址捐資

修建

聖殿五楹七年知縣宋名立學正孫鉞重修東西齋房

及學正訓導宅

魯山縣儒學乾隆七年知縣王肇基十九年知縣張

師良相繼修

大成殿三十年知縣陳鳴陽修前後殿廡門墻

陳鳴陽重修文廟前記

癸未之春余承乏茲邑抵任後恭謁

文廟時

大成殿重修甫畢丹雘未施週視兩廡戟門櫺星門等

皆土木疲憊不可撐支泮池亦淤塞無涯洙余惕然

恐懼詢之兩學師暨多士乃知廟經歲久一切當新

始建議設策者為前令中衛敬菴王公時經始於

大成殿廓舊制而高之將以循次增飾為茲邑成窳頹

之觀役甫興而調任南陽去時乾隆十七年也嗣是

人事參錯糾結紛紜至十九年而長洲宏受張公來

乃因其規模經營督理而

大成殿始成諸役尚未有以興也而以引年致仕又去

余益惕然恐懼不敢違寧乃首捐俸金鳩工飭材冀

成兩公未竟之業而邑紳士亦惜其久而少成也於

是各効輸將唯恐或後然後廟中規模稍復其舊歲

國家尊崇

先師之至意儒生習禮肄樂景行仰止之區寢歷歲月不

獲復其整齊嚴肅之舊即王張兩公身御其事亦必

有歉然不安於畏者此固余之所惕然恐懼不敢違

寧者也雖然事莫有為之先則其後苦於無所藉而

成之也恒難然則余所以得與多士粗就此工以稍釋夙夜中之遑懼者不可謂非前此經營措置有以賜之援手令其觀成易易也則前人之功又可以沒沒乎哉於是參稽舊簿綜其勞費之實為之勒諸石

陳鳴陽重修儒學後記

余繼前令王張兩公之後承修

文廟懼執事之不虔致前功之或棄於是慎選材能嚴程工役而諸紳士義有同心相與輸金服勞惟恐或後始於甲申之冬終於丙戌之春然後殿廡門墻犁然粗具雖未極致輝煌較數年來風雨黧澹之象亦庶幾其一新云春丁日余偕多士致祭躋躋左右登降出入既備既戒幸告無愆已乃集多士於明倫堂而告之曰茲役也微藉前人之基不及此微二三子共襄乃力不及此茲幸得稍新其舊異時救衰補弊踵事增華賴有人焉不可忘也願與二三子勉之然吾聞學聖人之道者日新而不失大學自明其德以明明德於天下所以偕一世之人捨其舊而圖其新歷古今千百年帝王師儒更相傳述其道大備學者服膺聖人莫不童而習之顧乃悠忽因循不克自拔流俗中即一二才智之士研思殫力不過工文詞取科舉馳騁於功利之場的然日亡而已求所謂於自

新新民之道審端用力以止于至善者士林中不少槩見嗚呼其亦足慨也己魯邑地僻民淳士風古然醇謹篤實之意多震勵發皇之氣少誠能治興起實於身心性命致新之功極新之量而不敢視為迂闊無用之常談將見明體達用光輝日新聖賢之徒世道賴之矣然則余之所期於二三子者寧唯是餘餘輸與勒駿奔徒以為觀瞻而已哉是為記

郊縣儒學乾隆七年知縣張楣修進德修業二齋八年知縣劉蓋創建文昌閣在學宮外東南隅城上

寶豐縣儒學雍正十三年知縣唐永彰撤新明倫堂

乾隆元年重修櫺星門戟門七年知縣馬格移修照

壁北近泮池八年重修戟門東西廡神位及名宦鄉

賢祠

伊陽縣儒學雍正十一年知縣俞名言重修魁星樓

十三年呂大抱捐修櫺星門乾隆十五年知縣王士
倬修

大成殿改建明倫堂二十四年知縣韓超羣重修敬一
亭三十年知縣李章培捐修東楹

許州

許州儒學乾隆三年知府董思恭重修明倫堂

臨潁縣儒學雍正十年知縣賈澤漢重修十三年至
乾隆二年教諭趙上玉陸續重修九年十年知縣劉
沆捐修殿東爲

崇聖祠殿西爲名宦鄉賢祠

郟城縣儒學乾隆四年知縣王瀛重修明倫堂五年

教諭荆鵬展重修教諭宅十年知縣趙作霖移建

賢祠於戟門外

長葛縣儒學乾隆元年知縣許蓮峰改建名宦鄉賢

祠於戟門前別建奎樓於魁星樓西四年倡捐重修

殿廡垣墻十年知縣阮景咸相度形勢進陞七丈建

殿宇於坡上十一年重修文昌閣

阮景咸重修儒學碑記

今

國家教化百年文治翔洽上自京師下迄直省郡縣靡
不於奉聖之地矢厥虔肅務使規模闕敞用昭尊崇
至意今

上御極之三年戊午春傳

制車駕詣太學親釋奠命儒臣坐講時則廟易黃瓦并懸
御製匾聯儀至肅典至隆也予不敏於乾隆癸亥年奉
命來豫九年甲子夏視事茲邑練日謁


先師廟見夫址居湫隘心竊懼焉諦視之四面地勢高聳廟中多漏漬痕又梁棟榱桷之材漸朽詢諸同官並云屢議重修以財用匱乏莫有毅然任其事者遂遷延歲月而今且將就圯矣時即酌議倡捐共圖斯舉以方請帑修築縣城未遑從事而中心實不敢一刻忘也周一歲城工將竣又急議修葺適奉藩憲趙公檄以學校為興賢育才之地宜先經理則斯舉也詎可緩歟稽邑乘學宮舊在縣治東北遷於縣治東門內者前明嘉靖十四年也後建縣治東即今所在者國朝康熙二十二年前令米君漢雲也至因殿宇低暗加礎使高尺許則自康熙二十五年前令何君鼎如於今又六十年矣遂與同官竭力倡捐邑之薦紳諸生暨耆民莫不雲集響應歡騰樂輸計銀千有六百餘兩於是稽出納有人又採辦物料董率匠役各有人其朝夕省視久而弗懈者司諭胡君本立司訓傅君煌縣尉陳君煜也肇工於乾隆十年乙丑季夏訖工於十一年丙寅仲秋由舊址北移七丈許遷於坡岡之上其宇高大深邃增舊制七八尺戶牖階庑靡不備具次第丹雘以示更新并用黃瓦倣京師廟制焉予與同官偕邑諸生拜謁階下仰瞻廟貌高敞壯麗煥然改觀爰進邑諸生告之曰予嘗誦歸太僕所作重修闕里廟記以事聖人者不徒事於其外而取

子游所聞君子學道愛人小人學道易使與告顏淵克已復禮之說反覆著於篇再考睢州湯大司空後建廟學記亦以諸生所以為學者當求進於古人之道大旨謂學聖在於存心以全天所與我之理其言可與太僕互相發明今長邑學者知虔奉聖人矣抑叅諸大儒之緒論先器識而後文藝飭品力學馴至於人文蔚起仰答聖天子崇儒重道之意以慰大憲宣化之心則予所厚望也巳是為記

陝州

陝州儒學乾隆五年署州事戈錦重修九年分巡道張學林創建尊經閣於殿後十一年知州龔崧林完葺明倫堂儀門櫺星門又剏構興賢育才兩齋甃泮池引渠水自東南注

閩鄉縣儒學乾隆九年訓導楊詵重建奎光閣



續河南通志 卷之二十九
盧氏縣儒學雍正九年知縣韋文質創建聖域賢關
門樓二座

光州

光州儒學雍正十一年知州高士鑰學正李士訥增
修殿廡並

崇聖祠乾隆十七年知州謝鏗擴明倫堂舊址改建五
楹十八年知州吳一嵩重建

大成殿並擴兩廡舊址增修戟門移建
崇聖祠於

大成殿後改建名宦鄉賢祠於戟門左右二十二年二
十四年捐俸建修學正及訓導署

商城縣儒學乾隆十一年知縣王繇重修

書院社學附

開封府

祥符縣

大梁書院乾隆二年巡撫尹會一祀河南先賢於講
堂宋程顥程頤邵雍呂希哲尹焞謝良佐張繹劉絢
李顥朱光庭邵伯溫孟厚程迥元許衡姚樞姚燧明
曹端薛瑄閻禹錫王鴻儒許誥何塘崔銑李承恩王
尚綱尤時熙魯邦彥孟化鯉呂坤楊東明楊澗徐養
相王以悟張信民賀仲軾呂維祺劉理順王慕祥
國朝孫竒逢湯斌耿介張沐竇克勤張伯行冉覲祖凡

四十五人四年巡撫雅爾圖再行釐正祀典遷段于木以下四十二人神位於桂香祠有碑記十五年院長桑調元捐資建奎文閣有記二十七年重修奎文閣院長陳浩有記並見藝文

陳留縣

志伊書院在縣治東乾隆十五年知縣許勉燉建祀縣

志學書院乾隆十八年知縣潘思光建先是順治十六年知縣吳守家奉院檄發金置田構書院三楹於尊經閣敬一亭遺址旋即圯廢康熙五十九年知縣甯佑重建於玉泉街乾隆二年知縣王履仁改為廣濟堂而書院遂廢至是思光倡捐購侯氏舊宅而更

新之額以今名

桑調元新建志學書院記

書院為貳巽地泮壁之區教澤鴻浴而昕夕親師習

業有恒觀摩熟而成材易莫書院若也祀之有書院也於前明莫之考

皇朝

順治末吳令守家即尊經閣敬一亭遺址剏為之康

熙末甯令佑於玉泉街重建之泊乾隆初令茲土者

輒後之學左寄之古寺而書院失其故所昨歲壬申

安溪潘君調茲邑慨然謀興起人文捐俸為倡購巨

宅新其規置書院以成榜其門曰志學門內齋厨左

右列入重門講堂桌如東西齋顏以希聖紹賢又進

為樂道堂兩廡各有學舍堂之後為園築養心亭於

其北清池演漾芙蓉卷舒足以發吟風弄月之趣羅

四庫書室之二酉齋延明師選英雋資以膏火遜志

敬業魚魚雅雅絃誦清鏘禮儀肅共時臨講席風聲

遠馳墜典畢舉乃屬余為之記予臆君之以志學揭

之名俾士睇乎是而不苟於利祿也祀故為伊尹所

續河南通志

卷之三十六

學校志

書院

七

則於已志之疎而其道不足以推而通其要一仁盡
之聖則安賢不違即令名不失亦必於是求之士一
其心而不雜乎他則作為文以發明精蘊非華臚之
梯媒時乎得志決不肯以身家榮肥頓喪其生平誠
如是大道之光昌有日矣豈特區區科名接踵託人
文之盛乎哉君之志學夙有本源故立教以此為抽
闡其義而書之石君名
思光字涵亭戊辰進士

通許縣

咸平書院乾隆二十一年知縣吳昌國重建

鄆陵縣

文清書院在縣東關外舊名龍岡乾隆十年建二十
七年知縣陳子檜增修改今名

陽武縣


正誼書院在文昌閣後雍正十三年知縣宋惟攸建

鄭州

貢院在州治東雍正二年陞州為直隸知州高文愷
申詳 題請考試本州及滎澤滎陽河陰汜水五處
生童捐資公建十三年州改屬府生童仍留棚考試
乾隆七年知府朱繡詳併禹州密縣新鄭三處共八
州縣合棚考試

滎澤縣

人龍書院乾隆四年知縣張翮撥給城濠地九十五
畝七年知縣劉蓋撥給滎武界邊灘地十四頃旋即
塌去存七頃十年知縣崔淇撥給官兵堡西南地二
頃歲收租入以資書院膏火



榮陽縣

汴源書院在五桂街乾隆十年知縣李煦重修

汜水縣

振雅書院在東門外

三山書院在城內乾隆八年知縣許勉燉建

禹州

丹山書院乾隆九年知州邵大業修葺

育賢書院在禮臨里乾隆五年知州章琦建

密縣

檜陽書院乾隆二十四年署縣宋豐綏重修添建後

坐正廂房九楹

新鄭縣

茨山書院乾隆十一年知縣陸烈重建以四鄉義學

地四頃零撥入

歸德府

寧陵縣

甯城書院在縣治東乾隆七年知縣梁景程倡捐興

建講堂及諸房宇二十年知縣王世仕修建

鹿邑縣

鳴鹿書院在縣治東乾隆十九年知縣馬榮祖重修

有義田五頃

彰德府

安陽縣

畫錦書院即古畫錦堂在府城內乾隆五年知府李渭建立書院

臨漳縣

古鄴書院在縣治東雍正八年知縣陳大玠建

武安縣

紫金書院乾隆二十三年知縣張映台重建

內黃縣

求慊書院在縣治東南雍正十二年知縣陳錫輅就遽公祠擴建總督王士俊題額

衛輝府

汲縣

崇本書院向名源泉在朝陽寺與無量菴等處後易今名改置糧廳舊署東偏乾隆十九年知府王祖晉知縣徐汝瓚率紳士捐修撤舊為新並置齋房十八間於講堂東

新鄉縣

鄘南書院在城東南隅雍正元年知縣吳元錦建日久廢墜乾隆五年知縣趙開元重為振興贖產建房九年復捐金拓地增建一十二間

大平島嶼金洋銀數萬一十二兩

八卷到正平收銀數開示重為計與領事書

領事書到正平收銀數開示重為計與領事書

海峽銀

開分海峽東

甲子年對正平領事書到正平收銀數開示重為計與領事書

今平文海峽銀數萬一十二兩

海峽銀

海峽銀

海峽銀

海峽銀

海峽銀

海峽銀

海峽銀


海峽銀

海峽銀

近聖書院在西廡後訓導宅門南

淇縣

書院一所乾隆十九年士民公捐修蓋



濬縣

黎陽書院在城西南五十里舊為巡司廢署乾隆六年知縣鮑志周即舊址建書院

懷慶府

河內縣

懷仁書院乾隆二十六年被水冲壞知府沈榮昌重修

温縣

卜里書院乾隆二十年知縣王其華創建

河南府

洛陽縣

周南書院乾隆六年署府李光型署縣朱續志添設齋房六所各三楹

中山書院在縣東北隅縣署西南

黃鐘書院在縣東南路掘山村

洛浦書院在縣東南路白家磧

伊川書院在縣正南路李家寨

龍門書院同上

以上五所乾隆八年知縣龔崧林續設

偃師縣


二程書院在縣治東乾隆八年知縣朱續志捐修二十六年水冲無存三十年知縣王垂絡及紳士等捐

賁重建

王垂絡重修二程書院記

十一楹名二程書院蓋中
祀二程子故云乾隆二十六年春邑大水民居多就
圯而書院亦廢歲癸未垂絡承乏是邦下車謁二程
子祠墻頽瓦落鞠為茂艸祗徊者久之考書院之興
肇自明萬歷間邑令呂公純如拔學之秀者聚處其
中為講學之所且置田二頃以資膏火厥後雖屢廢
屢修而呂公之澤不替越明年垂絡始捐廉俸為邑
人倡一時邑之縉紳先生暨茂才博士與作恐後相
率輸將於是申之大府僉曰可不數月而觀成輪奐
斯崇丹雘交映屋之楹為數七十有六仍奉二程子
於中楹而增祀邑儒朱公揆光庭劉質夫絢李端伯
籲三先生配之其餘為學舍為講堂悉如舊制而擴
充之然後呂公之澤復大著既落成眾請泐諸石垂
絡不敏敢以修葺增祀之意略為邑人陳之夫學之
興也必有所自始而學之盛也必多所繼起當二程
子講學於伊洛也從游者多天下奇士而邑之三先
生咸萃門下又翹然拔起於層霄之上能自得師公
揆之抄語錄質夫之述師訓端伯之傳師說其書具
在皆足闡孔孟未發之蘊二程子之學至今昭然若

揭者則三先生繼述之功為不可泯考三先生生平
公揆立朝多直聲胡安國嘗以奮不顧身盡忠諫
稱之正公稱其篤學力行至於沒齒志不渝於金石
行可質於神明而借其早逝質夫暮齡就學純公語
人曰他人敏則敏矣然未易保也斯人之志吾無疑
焉正公亦云質夫沛然又云明道平和簡易惟蜀絢
庶幾近之端伯資識穎悟胸次闊肆嘗記師語為一
編朱子愛其書謂籟所造尤深所得尤粹云夫地有
賢者則表而出之使夫遠近之至斯者論其世考其
人而感發興起之志油然而生况聖學淵源接續有
如三先生者乎使今世之士盡得如三先生以二程
子為之師則處有守出有為為洙泗之英可以復見今
鮮不得如二程子以為師苟能即三先生所傳述之
書以求性學之微體用兼備之道亦足以佐
聖朝治化之隆者矣是則廣二程子之俎豆者非僅以
美觀瞻申報享也凡以淑人心而崇實學也從祀三
先生者非僅尊鄉賢敬桑梓也凡以傳先聖而開後
學也故祀二程子則聖學明附三先生從祀於二程
子之祠則聖學益明豈非祀典之盛事哉且爾諸生
今日優游
盛世彬爾雅者實出我
朝棧樸菁莪之化而溯厥淵源其私淑亦已久矣諸生



於課讀暇登斯堂也仰二程子之流風思三先生之好學一堂師友靈爽式憑百世而下穆然如坐春風中又何異三先生之親炙門墻者乎至二程子借明道學上接孔孟千載之傳祀已遍於學宮可無俟於余言而特著其所以授學之指使學者知所從事而用自循省焉景風烈修遺言不猶磁基在前堂構在後乎聞風興起以傳絕學是則垂絡與呂公修建之志而仰二程子之志也夫是役也某某之力居多焉書例得

西毫書院在西郭乾隆八年知縣朱續志捐俸建

登封縣

蓮山書院在縣東七里舖

見山書院在縣西石關村

石河書院在縣西石河道

仙舟書院在縣西迴郭鎮

以上四所雍正十三年知縣李璟建

白鹿書院在八陵村監生曹加縉建見彰善錄

登封縣

嵩陽書院即太室書院舊址歲久傾圮乾隆四年知

縣施奕簪重修二十八年知縣邱襄改建城內東南

隅

穎谷書院舊在穎陽城西乾隆八年紳士宋祺王琢

等改建街南寺後

澠池縣

韶山書院在縣城內乾隆二十二年知縣蔣廷鏞建

嵩縣

伊川書院在城西北隅舊名樂道乾隆四年知縣戈錦創建十年知縣徐基增修三十一年知縣康基淵增修裁鳴臯書院地畝併入

康基淵改建伊川書院記嵩城之建書院自巳未歲始錫名樂道不名伊川以

先名伊川於鳴臯鄉也夫學者遠師孔孟近宗程朱耕莘樂道其跡邈矣伊川先生遷龍門之南定居陸

世宗憲皇帝命省會設書院

皇賜帑金永資膏火我

於治城以勤考課尊時制為然也克烈士希鎮鳴臯

也伊川者嵩人士所引重學孔孟者伊川以為階梯

非徒美書院以名也胡康侯之言曰先生之文於易

則因理以明象而知體用之一原於春秋則見諸事

而聖人之大用於諸經語孟則發其微旨而知求

顯於家庭辭受取舍非道義一介不取錄之千

顯也朱文公曰先生條定太學以為學校禮義相先

之地而曰使之爭非教養之道請改試為課鑄解額

以去利誘勵行檢以厚風教如是者數十條今學者

幸近先生之居守禮器讀遺書宜何以誦法也丙戌

夏乃即縣城書院增學舍十六間招致生徒五十餘

人籌給膏火購經史并建藏書樓俾從師講習改樂

道曰伊川亦大冀遊其中者尊聞行知而有得於伊

川先生之文與行焉若惟是工文詞綺藻期捷獲而

已則又貪利祿而不貪道義要作貴人而不要作好


人者豈惟負

南陽府

南陽縣

宛南書院在城東門外乾隆十六年知府莊有信創


建



莊有信創建宛南書院碑記

師講習其中校文而飭行上以廣
 聖天子養育人才之化下以鼓儒生藏修遊息之功教以
 繼養事並亟也余淮南陽竊志於振興人物於東郊
 得廢寺一區僅存佛殿兩楹餘傾圮不治寺僧亦百
 不存十餘遷其佛像及僧於別寺就其基斥其制前
 臨清水後倚獨山繪圖鳩工築垣數仞環之以為書
 院院前僻地列柵左曰禮門右曰義路由大門而入
 為先賢祠次為總講堂傍各有廂又次為尊經閣其
 後列屋以蕃之左右為四齋曰敦仁曰集義曰復禮
 曰達智齋各有講堂堂之前各有大門儀門後有燕
 室有庖厨左右有門東西向以通往來而各有書屋
 數十間若軒若廊若曲房若斗室錯落基置環四講
 堂而列焉其東為射圃亭後為草廬為池為橋壘
 石為山東北為文昌閣東南為魁星樓西南為土地
 祠度垣外隙地置駐汎以為禦凡為講堂者五為祠
 者二為樓閣者三為亭者二其地以畝計者七十有
 餘其屋以間計者三百三十有六以楹計者七十有
 餘計者萬以瓦石計者千億其未提以經計者亦萬有
 餘焉先是余首蠲六百金以為倡而所屬州縣亦為
 而紳士而離商俱聞風慕義各捐數千

築之用而財不匱日役數千匠厚其備力之值而
 不病採木石於他州邪許之聲載道豐其輦運之
 而役不困牒移別駕稽其出納之管而察之也詳
 紳士之廉能者八人司其支給之數而散之也均
 廣文五員佐祿五員或董其程而督之也勤或良
 材而擇之也精十月興工歲畢而工竣統號之曰
 南書院豫大省也南陽大郡也昔有嵩陽書院居
 大書院之一而南陽與之接壤余考朱子鵞湖書院
 亦建以廢寺竊不自揆師其遺意為之書院既成可
 容諸生三百人繪魁文二星辰於樓閣則天文可象
 設周程張朱武鄉侯諸葛公昌黎伯韓公諸神位於
 先賢祠則人文可師繪名儒王公莊公之容貌衣冠
 於土地祠則鄉先生可祀於社購經史子集諸書籍
 於尊經閣則可以稽古設鵠的於射圃亭則可以觀
 德中設總講堂令諸生會文於此而旁設四講堂為
 掌教之所日校而月課之則師嚴道尊而士無尫
 至於修脯之貲甕箠之費牲牢劍鼎之供奔走掃除
 之役及床度几閣瓢壘匣析之具罔不畢備於以攻
 書史講道義志不紛而學業成進可為天下國家之
 用退亦不失為一鄉之善士理學明而英才盛少補
 聖世文明之治其庶幾焉爰書興建之歲月與官吏紳
 民捐貲之姓字勒之石以垂永久庶使後之人有考



云

唐縣

崇實書院乾隆二十三年知縣宋梅創建

桐柘縣

藜野書院在東門內街北乾隆七年知縣翁運標建

鄧州

臨湍書院康熙二十一年知州楊威盛重建乾隆十八年知州蔣光祖重修

金山書院在大東關街北舊係社學乾隆三年知州李治國重修增建五年知州馬邁改今名

春風書院在范文正公祠東乾隆八年知州馬邁創

建

新野縣

白水書院乾隆九年知縣董榕張昌蕃相繼重修講堂大門十八年知縣徐金位補修大殿十年知縣張昌蕃增置膏火

淅川縣

文興書院在縣城東北隅乾隆四年知縣李林建
昆陽書院舊在縣南三十里乾隆二十一年知縣紀黃中改建城內東北隅

舞陽縣

鴻文書院在城內舊縣治雍正九年知縣劉蒯植創

建

劉薊植創建鴻文書院記

人才之用也關乎治化而

周造土地官掌邦教小司徒贊之考其德藝簡其不
率下至闕胥黨正比長鄧人皆得操觚捷之令故爾
時學者自離經辨志馴致乎知類通達強立不返之
域而其材於是乎成材成矣然後升之司馬詔諸賢
宗量能授事罔不欽乃攸司以佐乃辟一時之治化
無競焉人第兄先王之世莪菁棫茂鳳鳴梧生以為
氣運之隆適爾詎知其長養成就之者固涵濡於百

國家崇道右文伊古未有重熙累洽久道化成故光天

羅絲粟尺寸之材咸得自效西京鐘鼓雲漢作人豈
足方斯而舞陽為中州名區河嶽鍾秀夙號多賢又
地近畿輔就日瞻雲觀感尤易宜乎哲士挺生後先
輝映矣顧未聞有醇儒碩士發名成業亮工
熙朝者豈川生嶽降之氣一發而薄耶抑吏茲士者務
於刀筆筐篋罔知大體有如賈生之所詞也何其令
竟異於古所云也按邑城南故有舞泉書院其地今
在侯韓姓者之所建後變於寇虜等廢

垂二百年徒見寒松古柏滅沒蒼涼敗瓦頽垣斷碑
風雨蓋絃歌之寂寥久矣戊申夏余恭膺

命

來遊茲邑大懼人才放失罔克承宣雅化因商諸司
鐸郭侯二公闔邑紳士謀以舊治廢址創書院以育
羣才議既克協爰上其事於各憲亦咸報曰可遂捐
清俸鳩工首事邑人士踴躍助修焉於是建講堂一
楹顏曰聚魁後廳一楹顏曰敬業東西書屋十舍左
曰治經之齋右曰明務之齋其前門則鴻文書院之
額在焉復周以長垣蒔以槐柳塹爽幽邃曠與胥宜
南山列屏蒼翠欲滴藏修游息之具於是焉在工既
訖功乃禮聘名進士孟津王先生使主西席由是咄
嗚之士挾策盈庭伐鼓陳書絃歌彬雅二百年來復
觀其盛茲非舞邑之幸與抑余尤有告焉夫聖人之
所謂學豈第藝焉之謂其謂忠信立誠以為進修之
本而涵泳就將要諸歸宿之地由此蘊為德行顯為
事業胥是物也今幸人奮其學士服其教行見諸君
子經明行修蔚為國華固可操券得然文采勝則實
意寢微功苦久則始情漸生苟其高明之士負厥才
華以浮薄相尚佻達為工將奇衰固屬可虞沉潛者
又不免望洋驚自崖返不克深造於大成之域或勤
焉或怠焉二者交譏其於教學之意不大相刺謬乎
繼自今斯爾多士講求於心性之精剴切乎忠孝之

續河南通志 卷之三十六 學校志 書院 七

昔毋飾虛車勿安凡近明體達用有守有為以庶幾
於莪菁棫茂鳳鳴梧生之隆以仰副
朝廷崇道右文搜羅別拔之盛心則處為醇儒出為名
臣不惟諸君子於昔賢有光余亦得藉手報
聖世矣於是乎
記之以志慶

汝寧府

正陽縣

正陽書院在學宮側乾隆六年知縣李天虛創建

信陽州

瑚璉書院舊止田稞二十三石零地租錢四千零乾

隆七年知州馮原撥收五里店加增田稞十二石地

租錢二十三千二百零

遂平縣

吳房書院在南關外沙河北岸乾隆二十二年知縣

金忠濟因舊義學基址於東偏擴地一區倡捐重修

曹繩柱重建吳房書院碑記

為政之要養與教二端而已遂平金令涖任三

載察遂邑水患由石洋河之狹隘沙河之泛濫亟請

帑

興修廓堤圩數十里水無壅遏歲大有秋其養民者

厚矣邑舊有吳房書院在縣城南里許日久傾圮肄

業無人顧而覽者見頽然廢址而已於是金令出俸

廉建之邑紳士知令之善教也曠金助焉講堂學舍

煥然一新師生傳習業有興起之感又闢院左隙地

一區建奎星閣於東南以像文明閣後為堂一為亭

者三為廊廊一為池二綴以嶺呀之石植以桂杏之

木曲檻繚垣朱魚綠芟引入勝非直為遊觀也令

以帖括課士而諸生尋行數墨求一標新領異者殊

不易得亦其胸次眼界拘囿方隅耳昌黎有言當其

取於心而注於手也惟陳言之務去憂憂乎其難哉

况其下車者乎金令以名家子少年登第為文章清

新典雅傳頌海內初試令宰旣以養民為亟又以其

所得者教士而以是誘之諸生誦讀之暇游泳其間

覽山川之勝即景物之宜助藻思發清機正復不淺
吾聞君子之為學也藏焉修焉息焉遊焉遂邑人文
從此懷新而振靡乎微金令之善教不及此書院舊
堂曰孫業前蔡令秉公題予題新堂曰善教以表金
令教士之義如此其亭曰桐憲蕉兩曰得月曰豁然
皆金令自書題額是役也金令倡之邑紳士成之董
事者則元和曹生治也金令調
任汝陽矣恐其志為之記

陳州府

淮寧縣

絃歌書院在絃歌臺後初為思魯書院乾隆五年知
府金山更今名倡率各官及紳士捐置義田以資膏
火

金山絃歌書院碑記

書院之設造士也陳郡治二焉
其一隸畫卦臺無誦講之堂無
沐浴之舍師弟子相與於棲神一宇朝聚而暮散矣
其一隸絃歌臺臺之後樓五楹廡左右三楹周垣屬

於臺門如異宮額曰思魯地有餘閑列以卉木花發
生意鳥說天機每一過之令人憶疇昔讀書時未易
得此也而師徒朝暮亦復落落晨星其故安在夫古
人造士慮靡雜而處之潤燕畫卦臺者久矣尸祝居
之勢固不得與之爭聚而肄業其時少散而見外物
其時多處非其所良無足怪若絃歌臺則既幽敞而
專矣語云百工居肆以成其事今士人為學會不風
雨明晦於事事之地學業其焉成雖然有可居而弗
恒厥居荒蕪毀隨學人之責也授之居而不盡所居
具文故事亦長人者之責也爰分俸先屬而都闕趙
君助焉紳士輸焉得金六百有奇結屋二十餘楹於
樓廡卉木之隙鳩庀工材高氏驩孟氏調有力焉一
增前所未有經冊具几席修庖福設俾諸生修歲游
息其中延良師董戒朝夕用底厥成則汰其畫卦臺
者並修脯之田歸於一蓋博廣厲之名一書院不為
多崇有造之實一書院不為少矣易前額曰絃歌從
地也亦冀陳人之
學道於魯乎何思

太康縣

興賢書院舊在文廟東乾隆九年知縣宋士莊改建

於西門內曰二賢書院中廢二十五年知縣武昌國
修建仍名興賢書院

扶溝縣

大程書院舊名明道乾隆十二年署令吳溶重修知
縣楊燭改今名十四年知縣馬伯輅捐建立雪講堂
二十年知縣七十一倡捐置膏火

西華縣

衍疇書院建於箕子臺上舊建洪範堂乾隆十二年
知縣吳溶詳請添設書院倡捐師生膏火之費

商水縣

鳳臺書院乾隆九年知縣張崇璞建

項城縣

書院一所乾隆二十四年知縣梁作文以準提菴舊
址捐俸創建

汝州

汝陽書院在州城乾隆六年知州宋名立修建二十
五年知州戴廷梅捐修講堂學舍三十年知州張士
果重修添建二門樓便門修砌甬道并週築墻垣

郊縣

崇正書院建自前明久廢乾隆二十四年知縣潘思
光勸捐修建

伊陽縣

紫羅書院在州城北街舊名汝墳久廢乾隆十三年知縣鄧國藩重建易今名

許州

聚星書院在學舍東乾隆四年知府董思恭創修於舊有堂宇之外增建邵公祠七先生祠及見賢希賢各齋七年知州甄汝舟重築杏壇圍墻

偃城縣

景文書院在縣學舍西乾隆十七年知縣傅豫創建長葛縣

書院一所在城南門內乾隆十二年知縣阮景咸捐修

陝州

召南書院在州城乾隆五年署知州朱永慶申請照小府之例延師督課

閩鄉縣

湖城書院乾隆十四年知縣侯賜樂建

荆山書院在縣署東街乾隆十九年知縣馬榮祖建

盧氏縣

龍山書院在九龍山麓號公臺乾隆十一年知縣陳思震創建知州龔崧林有記

光州

弋陽書院在州城北喻家巷武廟後殿乾隆六年護

州事息縣知縣梁觀我建設九年署州事鄭州知州張越創修十一年知州高鑒移設南城水月觀後及東西廊廡二十五年知州吳一嵩倡捐創建於南城北岸

龍門書院在州城北東郊乾隆二十六年知州吳一嵩續置田產數處並立書院額費又因舊地濶遠城市生徒饑殍不便借設南城水月觀廊房

光山縣

涑水書院在縣城久廢乾隆二十四年知縣德貴捐資重建

固始縣

臨淮書院在縣城乾隆十九年知縣楊潮觀建

開封府

社學二區一在朱仙鎮一在陳橋鎮乾隆三年巡撫尹會一建知縣張淑載撥給河灘餘地十一頃

歸德府

虞城義學雍正十一年知縣張元楹因舊址增葺

彰德府

府義學雍正十二年知府潘雲鷗於府學內增設湯陰義學一在西南門內一在北門內
臨漳義學雍正十年知縣陳大玠始置義田
林縣義學乾隆十九年知縣龔一發捐俸建

內黃義學在楚王鎮乾隆二年知縣李瀆建

河南府

宜陽義學高橋楊店黃家窪趙保連莊五所乾隆八

年知縣王道成立

登封義學一在大金店邑紳李杰倡捐一在呂店義

民趙廷璧捐修一在石道屯生員洪清一捐建一在

東關一在西關知縣施奕簪立一在江左河居民設

立

澠池義學係舊察院衙署乾隆十年知縣梁易簡捐

俸開設

嵩縣社學舊在雞澤祠內乾隆四年知縣戈錦入控

案地二頃零改建文昌祠內十年知縣徐璣併入樂

道書院社學遂廢三十年知縣康基淵查聚民間絕

業及古廟廢基在册行徵糧地三十八頃餘分建城

鄉三十四所有城鄉學記序並各社學記

康基淵社學記序

古者教民之道詳矣周禮黨正州

長下及比長閭胥各掌其鄉之正
教治令以屬其民自二十五家以上莫不有學焉方
是時無一民無養者即無一民無教者所以化人成
俗率由於此其養也作之勤除其擾而耕鑿之餘相
安禮誼胥率親睦夫作之勤除其擾而耕鑿之餘相
友助則養亦有教矣胥禮以胥親睦而族黨有矜恤
衰幼得遂常則教即為養矣養以給其欲教以固其
氣道本無二施為亦非有後先是故無不足之民而
後可以為良民無不良之民而後可以為善國富厚
之家克興禮義養之隆也日誦聖賢言而祇服習文
藝為希榮干祿之階教之敝也是故教以名不若教
以實教以文不若教以禮孝之禮順而其文溫清晨
昏無方之節詳焉弟之禮敬而其文序立隨行饋饋

之節詳焉循乎温清晨昏之節和順而知其為孝循乎序立隨行之節知敬而知其為弟則教之道得矣是故教之得民入於肌膚學之染人甚於丹青其上蔚為人才儲為國器其下亦不失於鄉黨愿謹自愛之士高邑叠嶂重山疆嶺廣濶經我朝休養涵濡百餘年來橫經負耒科第翩聯應童子試者亦六七百人惟是土田硠瘠西南山境村莊零錯聯社尤難其或少知向慕就學而師生之修脯飲食之供用歲費不貲因而廢棄者比比也夫民不贍於日用而以興仁讓也固難民不興於仁讓而強凌眾暴冀以保其日用為長久安樂之計亦事勢所不能者予任事之期年爰為籌建社學三十四所城關學建城內近城則高都元里莘樂三塗西山之蠻峪德亭大章舊縣湯下潭頭樓關小河南山尤遠之柳林白河孫店東村汝河呂屯距縣或一二百里學舍相距或二三十里北鄉則趙村源頭樊川石碣伊河東西則温泉阜南花廟燕王常峪堡南田湖樊村鳴臯新營莘渠相距各十餘里因其地也每社修脯以二十金為率其修脯所出轄聚公私絕產廢業共計水旱坡三則地三十八頃五十七畝零額徵糧銀四十四兩零夏秋租共銀四十三兩零稞五百九十九千零取足敷用擇延本庠道亮之士肅心講授貧不能

學並因貧廢學者盡萃其中更為酌定學規俾從事於踐履實學夫日循子弟之禮而詩書之文可通矣日由順親敬之實而孝弟之名斯在也由是涵育薰陶人知親親長長安常而得所欲服教而利於行老幼親戚相保愛任恤而無德之者所以為教即所以為養也若夫修興學立教之名循之而無其實使士獵虛譽民增浮偽並所為養而失之者尤滋之懼矣其社學基布四鄉一切學舍地畝修膏所出及經理善後事已就地方情形分載各社碑記茲揭予所謂興事之意勒石城社後之作者庶有覽焉

南陽府

唐縣義學乾隆二十三年知縣宋梅建名曰蒙養

桐栢義學在城內西街乾隆三年知縣翁運標重修

裕州義學一在東關老新街一在西關外乾隆元年

知州宋名立重修加置義田有碑記

汝寧府

信陽州社學一在五里店一在平昌關

陳州府

商水義學在雲路街南極之西雍正八年知縣王夔龍捐置十一年知縣牟繩祖倡修講堂及藏書樓乾隆元年知縣張叔載倡捐建大門二門東西齋房各三楹四年邑紳李震普捐修厨房門房及延師膏火資

汝州

魯山義學在賈家集乾隆六年監生陳史起建并置義田一頃
寶豐義學乾隆七年知縣馬格重修
伊陽義學雍正十三年知縣呂大抱創修

許州

州社學在東關知州甄汝舟設城東鄉四處一張潘鎮一大王廟一周家店一五女店城西鄉六處一謝家寺一靈井店一遠村一嘉禾店一靈溝店一泉店城南鄉四處一三券橋一孫家莊一繁城店一樅澗店城北鄉九處一蔣馬村一小召店一趙莊一丈地店一許田店一灣店一龐家樓一大屯村一韓家村臨潁社學城內三處外瓦店集葛岡三家店永清鎮四處

陝州

靈寶義學在縣西街

閩鄉義學一在東街南一在郭里村雍正八年太學生王平世建

盧氏義學一在蘇村一在東北鄉大涼廟一在東鄉鄉關帝廟一在北鄉太湖嶺

光州

息縣義學在縣城東南隅

續河南通志卷之三十九終

續河南通志卷之四十

學校志

禮樂

朝賀班次

乾隆二十三年禮部題准

直省

朝賀之禮將軍總督一班巡撫副都統提督學政二班總兵官協領叅領織造郎中督關郎中布政使按察使各道三班佐領督關員外郎知府副將叅將四班防禦督關主事司庫同知通判遊擊都司五班驍騎校知州知縣守備六班筆帖式庫使經歷州同州判縣丞千總等官七班皆文東武西其因事出差之大

臣官員係一二品大臣均列第一班之首三品以下之京堂均列第二班之首五品以下之部院官員及閩省巡臺御史以至伴送外國使臣等官均列第二班之末

壇廟主祭 乾隆十六年山西布政使多綸奏准又十七年禮部咨准

各省壇廟春秋戊祭省會令督撫主祭布政使以下陪祀其有道員駐劄之府州縣地方亦令道員主祭府州縣以下等官陪祀督撫道員各有出巡職任倘遇出巡時仍令布政使及該地方正印官攝祭如將軍提鎮等均係武職應仍照向例陪祭至分駐之同知等官分司河工鹽捕等事較之道員體統殊絕州

縣係地方正印官應仍照舊主祭 附記乾隆二十五年巡撫胡寶瑤通

行縣官公出教官代祭 聖廟典史不得代祭

文廟樂章

乾隆八年奉旨頒發各府州縣學同

春季 夾鐘為宮應鐘起調

迎神樂咸平之章 無舞

大 伏 哉 伏

孔 伏 子 伍 先 伏 覺 仕 先 伍 知 伏 與 伏 大 伍 地 仕 參 伍 萬 伏

世 仕 之 伍 師 伍 祥 伍 徵 仕 麟 伏 綏 伏 韻 伏 答 仕 金 伏

絲 仕 日 伏 月 伏 既 伏 揭 仕 乾 伏 坤 伏 清 伏 夷 伏

初獻樂寧平之章 有舞

予伏懷伏明伏德伍玉伍振伏金伏聲伍生伍民伏
未伍有伍展伏也伏大伍成伏俎伍豆伍千伏古伍
春伏秋伏上伍丁伏清伏酒伍既伏載伏其伏香伏
始伏升伏

亞獻樂安平之章 有舞

式伏禮伏莫伍愆伍升伍堂伍再伏獻伏響伍協伍

鼗伏鏞伏誠伍孚伍壘伍獻伏肅伍肅伍雍伍雍伍

響伏髦伏斯伍彦伍禮伍陶伍樂伏淑伍相伍觀伍

而伏善伏

終獻樂景平之章 有舞

自伏古伏在伍昔伍先伍民伍有伏作伍皮伍弁伍

祭伏菜伏於伍論伍息伍樂伏惟伍

天伍牖伏民伍惟伏

聖伍時伏若伍葵伍倫伍攸伍叙伏至伍今伍木伏鐸伏

徹饌樂咸平之章 有舞

先伏師伏有伍言伍祭伏則伍受伏福伍四伍海伏翼伍

宮伍疇伏敢伍不伏肅伍禮伍成伍告伏徹伍母伏

疏伍母伏賁伏樂伍所伍自伏生伏中伍原伏有伏

菽伏

送神樂咸平之章 無舞

鳧伏繹伏莪伍莪伍洙伍泗伏洋伏洋伍景伍行伍

行伍止伍流伏澤伍無伍疆伍聿伍昭伍祀伏事伏

祀伏事仕孔伏明伏化伏我伏蒸伏民仕育伏我伏
膠伏庠伏

秋季 南呂爲宮仲呂爲調

迎神樂咸平之章

大伏哉仕

孔仕子伏先伏覺伏先伏知仕與伏天仕地伏參伏萬伏

世伏之伏師伏祥伏徵伏麟伏紱仕韻伏答伏金伏

絲伏日伏月仕旣伏揭伏乾伏坤仕清伏夷伏

初獻樂寧平之章

予伏懷伏明仕德伏玉伏振伏金伏聲伏生仕民伏

未伏有伏展伏也仕大伏成仕俎伏豆伏干伏古伏

春仕秋仕上伏丁仕清仕酒伏旣伏載仕其伏香仕

始伏升仕

亞獻樂安平之章

式伏禮伏莫仕愆伏升伏堂伏再伏獻伏響伏協伏

鼗伏鏞仕誠伏孚伏壘伏獻伏肅伏肅伏雍仕雍仕

譽伏髦伏斯伏彥仕禮伏陶伏樂伏淑仕相伏觀仕

而伏善仕

終獻樂景平之章

自伏古伏在伏昔仕先伏民伏有伏作仕皮伏弁伏

祭伏菜仕於伏論伏思仕樂伏惟伏

人伏歸伏民伏惟仕

聖伏時化若仕藝伏倫伏攸伏叙伏至伏今伏木化鐸伏

徹饌樂咸平之章

先伏師伏有仕言伏祭伏則伏受伏福伏四化海伏寶伏

宮伏疇化敢仕不化肅伏禮伏成伏告伏徹伏母化

疏仕母化寶伏樂化所伏自化生伏中伏原仕有化

菽伏

送神樂咸平之章

鳧伏繹伏戔仕戔伏洙伏泗伏洋化洋仕景伏行伏

行伏止伏流化澤仕無伏疆仕聿伏昭伏祀仕事伏

祀伏事伏孔化明仕化伏我伏蒸伏民伏育伏我仕

膠化庠伏

禮器照舊詳前志

樂器照舊詳前志

舞譜照舊詳前志

舞器照舊詳前志

附

聖廟兩廡先賢先儒位次

乾隆十八年部頒儀史傳按年序次式

東廡六十一位

先賢遠瑗

澹臺滅明

原憲

南宮适史記作括

商瞿

漆雕開

司馬耕

梁鱸一作鯉

冉儒

伯虔

冉季

漆雕多

公西赤

任不齊

公良儒

公肩定

鄔單

罕父黑

榮旂

左人郢

鄭國

原亢

廉潔一名黎

叔仲會

公西輿如一作公百與名加

却吳

陳亢

琴張

步叔乘

秦非

顏噲

顏何

縣直

樂正克

萬章

周敦頤

程顥

邵雍

先儒公羊高

伏勝

董仲舒

后蒼

杜子春

諸葛亮

王通

范仲淹

歐陽修

楊時

羅從彥

李侗

呂祖謙

蔡沉

陳淳

魏了翁

王栢

趙復

許謙

吳澄

胡居仁

王守仁

羅欽順

西廡六十一位

賢林放

宓不齊

公冶長

公皙哀一名公哲

高柴

樊須

商澤

巫馬施

顏幸

曹卹

公孫龍

秦商

顏高一名刻

壤駟赤

石作蜀

公夏首

后處一作石處

奚容蒧

顏祖一名相

句井疆

秦祖

縣成

公祖句茲

燕伋一名級

樂欬

狄黑

孔忠

公西蒧

顏之僕

施之常

申 振

左 邱 明

秦 冉

牧 皮

公 都 子

公 孫 丑

張 載

程 頤

先儒 穀 梁 赤

高 堂 生

孔 安 國

毛 萇

鄭 康 成

范 甯

韓 愈

胡 瑗

司 馬 光

尹 焯

胡 安 國

張 栻

陸 九 淵

黃 幹

真 德 秀

何 基

陳 澹

金 履 祥

許 衡

薛 瑄

陳 獻 章

蔡 清

陸 隴 其

奉 祀 神 祇 祭 文

乾隆八年
年部頒

雩 祭 社 稷 先 農 山 川 祭 文

恭 膺

詔 命 撫 育 羣 黎 仰 體

彤 庭 保 赤 之 誠 勤 農 勸 稼 俯 惟 蔀 屋 資 生 之 本 力 穡 服

田 令 甲 爰 頒 肅 舉 祈 年 之 典 惟 寅 將 事 用 申 守 土 之

忱黍稷惟馨尚冀明昭之受賜率育庶俾豐裕
於蓋藏尚饗

崇祭城門祭文

詔命臨民職司守土惟兆人之攸賴並藉神功冀四序之
常調羣蒙福蔭必使雨暘應候爰占物阜而民安庶
其寒燠咸宜共慶時和而歲稔仰靈樞之默運聿集
嘉祥襄元化以流形俾無畜害尚饗

風雲雷雨山川城隍祭文

惟神贊襄天澤福佑蒼黎佐靈化以流形生成永賴
乘氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰神明之

庇護恭修歲祀正值良辰敬潔豆籩祇陳牲幣尚饗

社稷壇祭文

惟神奠安九土粒食萬邦分五色以表封圻育三農
而蕃稼穡忝承守土肅展明禋時屆仲春敬脩祀典

庶九九松柏聳磐石於無疆翼翼黍苗佐神倉於不

匱尚饗

先農壇祭文

惟神肇興稼穡粒我烝民頌思文之德克配彼天念
率育之功陳常時夏茲當東作咸服先疇洪惟九五
之尊歲舉三推之典恭膺守土敢忘勞民謹奉爨章
聿修祀事惟願五風十雨嘉祥恒沐於神庥庶幾九

德雙岐上瑞頻書於大有尚饗

龍神祭文

惟神德洋洋寰海澤潤蒼生允襄水土之平經流順軌
廣濟泉源之用膏雨及時績奏安瀾占大川之利涉
功資育物欣庶類之蕃昌仰藉神庥宜隆報享謹遵
祀典式協良辰敬布几筵肅陳牲醴尚饗

八蜡神祭文

於惟尊神實司歲功驅螽斂膾五穀乃豐茲當歲禴
虔其犧牲神其保佑惠此生靈尚饗

文廟祭文

惟

先師德隆千聖道冠百王揭日月以常行自生民所未有

屬文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於籩豆茲當春仲祗率

葵章肅展微忱聿將祀典尚饗

孔子先代五王祭文

惟王奕葉鍾祥光開聖緒盛德之後積久彌昌凡聲

教所覃敷率循源而溯本宜肅明禋之典用申守土

之忱茲屆春仲秋聿修祀事尚饗

關帝祭文

惟

帝浩氣凌霄丹心貫日扶正統而彰信義威震九州完大

節以篤忠貞名高三國神明如在徧祠宇於寰區靈
應丕昭薦馨香於歷代屢徵異蹟顯佑羣生恭值良
辰遵行祀典筵陳籩豆几奠牲醪尚饗

關帝先代三公祭文

惟公世澤貽庥靈源積慶德能昌後篤生神武之英
善則歸親宜享尊崇之報列上公之封爵錫命優隆
合三世以肇禋典章明備恭逢諏吉祇事薦馨尚饗
劉猛將軍祭文

惟神上贊帝德下惠生民時和年豐蝻蝻不興茲值
歲暮式薦明馨神其昭格庶幾鑒歆尚饗

賢良祠祭文

惟靈文武憲邦公忠體國當

皇朝之肇造心膂攸司值

列聖之不承股肱作輔明良合德奮庸而庶績咸熙中外宣
猷敷澤而兆民永賴洵爲廊廟之碩望允宜俎豆以
明禋考績紀勲崇報昭垂於令典陳牲薦幣馨香祇
薦於歲時尚饗

忠義孝弟祠祭文

惟靈稟賦貞純躬行篤實忠誠奮發貫金石而不渝
義問宣昭表鄉閭而共式祇事懋彝倫之大性摯蒿
莪克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳奠簋來格几

筵尚饗

節孝祠祭文

惟靈純心皎潔令德柔嘉矢志完貞全閨中之亮節
竭誠致敬彰閭內之芳型茹冰蘖而彌堅清操自勵
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦奠醪
尚饗

續河南通志卷之四十終

續河南通志卷之四十一

武備志

兵制

豫固腹心重地也我

朝盛德覃敷戎兵整戢旣簡文職重臣節制省會復分
設鎮臣捍禦疆圉使宅中之勢鞏於維城將億萬世
爲

神京之屏翰矣其間駐防扼要視昔加詳此亦安不忘
危之意至於郵傳之設所以通輶軒達羽檄實與軍
政相表裏焉故並載之續武備志

撫標兵制

提督軍務巡撫一員駐劄開封府標下左右二營雍正五年

加授總督十三年
裁總督專設巡撫

標下左營叅將一員雍正十三年裁總督專設巡撫
照雍正八年巡撫中軍改叅將

例以副將改叅將
兼管左右二營守備一員千總二員把總四員通

二汛係千把
總輪流防守外委千總一員外委把總兩員舊無今
添設

標下右營守備一員千總二員把總四員鄭州汛係
千把總輪

流防外委千總一員外委把總二員舊無今
添設

經制兵丁九百六十六名內馬兵二百名守
兵七百六十六名

經制官馬四十匹兵馬二百匹官馬原額四十
四匹今裁四匹

歲共支俸餉米折馬乾等項銀二萬五千三百一十

六兩四錢四分六釐

滿洲駐防兵制

城守尉一員駐劄開封府滿洲城乾隆二十
一年奉

上諭歸併巡
撫節制

筆帖式一員舊設左右二員乾
隆二年奉裁一員

恩騎尉一員

前蒙古佐領一員防尉一員驍騎校一員

後蒙古佐領一員防尉一員驍騎校一員

八旗佐領八員防尉八員驍騎校八員

經制兵丁八百名內領催四十名披
甲七百六十名弓匠十名舊止
八名

添設
二名鐵匠十名舊止八名
添設二名

經制官馬一百九十八匹兵馬二千四百匹

歲共支俸餉米折馬乾等項銀一十萬五千五十兩
五錢八分七釐五毫五絲

北鎮兵制

鎮守河北總兵官一員駐劄懷慶府標下左右二營管
轄衛輝營開封營河南營彰德營嵩縣營王祿店營
陝州營

標下左營遊擊一員守備一員經制千總二員駐防本城

一員分防清化鎮一員經制把總四員駐防本城二員分防修武一員濟源一員舊

設外委千總一員外委把總四員今裁

標下右營都司一員舊係遊擊乾隆十九年奉文裁汰改設都司守備一

員經制千總二員駐防本城一員分防孟縣一員把總三員駐防本

分防武陟一員溫縣一員舊設四員乾隆九年撥一員歸嵩縣營舊設外委千總一

員外委把總四員今裁

經制兵丁一千五百十八名內馬兵三百二十名守

原額兵丁一千五百四十九名乾隆九年撥右營

馬兵四名守兵十六名歸嵩縣營十九年右營遊擊

改為都司裁汰養廉馬兵二名守兵三名二十九

撥左右營守兵各三名歸陝州營現在兵丁一千五

百十八名

經制官馬六十四匹兵馬三百二十四匹兵馬原額三百

九年撥右營馬四匹歸嵩縣營十九年二十六匹乾隆

右營遊擊改為都司裁汰養廉馬二匹歲共支俸餉米折馬乾等項銀三萬二千八百八十

六兩二錢五分二釐八毫六絲
管轄衛輝營叅將一員駐劄衛輝府守備一員千總

二員 駐防本城一員 乾隆二十六年奉文以開封營

又將昨城汛外委千總撥歸延 把總五員 分防新鄉

津千總管理分防淇縣一員 衛輝營把總

一員 滑縣一員 輝縣一員 濬縣一員 衛輝營把總

舊止三員 其濬滑二縣俱係經制千總 今改設把總

舊設外委千總一員 外委把總三員 今裁

經制兵丁六百五十六名 內馬兵一百四十六名 守

六百二十四名 乾隆二十六年延津汛改歸本營管

轄撥來馬兵十三名 守兵二十二名 共六百五十九

名 二十九名 撥守兵三名 歸陝

州營現在兵丁六百五十六名

經制官馬二十六匹 兵馬一百四十六匹 兵馬原額

三匹 乾隆二十六年延津汛改 歸本營管轄 撥來馬十三匹

歲共支俸餉米折馬乾等銀一萬二千二百二十六

兩八錢四分六釐

管轄開封城守營都司僉書一員 駐劄開封府守備

一員 經制千總二員 駐防封邱一員 外委千總一員 防

河陰今 經制把總三員 分防滎澤一員 朱仙 外委把

防儀封 協防河陰一員 中牟一員 存城一員 汜水一

總八員 協防河陰一員 協辦存城火器營一員 協防陳

留派撥衛輝營一員 協防蘭陽派撥彰德營

一員 舊止四員 今添設兩員 派撥二員

經制兵丁七百六十二名 內馬兵一百三十四名 守

兵丁七百四十六名 今添設十六名 乾隆十八年都

司僉書詳稱蘭陽儀封二縣 惟各設外委一員 馬兵

八匹今裁
減十四匹

歲共支俸餉米折馬乾等銀一萬七千七十九兩六錢七分六釐

管轄河南城守營參將一員駐劄河南府守備一員
千總二員把總三員舊設外委千總一員外委把總四員今裁

經制兵丁六百四十五名 內馬兵一百三十四名守兵五百一十一名 原額兵丁六百四十八名乾隆二十九年奉文撥守兵三名歸陝州營現在兵丁六百四十五名

經制官馬二十二匹兵馬一百三十四匹
歲共支俸餉米折馬乾等銀一萬四千二百二十六兩二錢五分五釐

管轄彰德營都司僉書一員駐劄彰德府守備一員

千總一員 分防臨漳 把總四員 分防武安一員林縣一員湯陰一員內黃一員 舊

設外委千總一員外委把總二員今裁

經制兵丁四百六十四名 內馬兵九十九名守兵三百六十八名乾隆二十九年撥守兵三名歸陝州營現在兵丁四百六十四名

經制官馬十八匹兵馬九十九匹

歲共支俸餉米折馬乾等項銀八千五百三十七兩九錢四釐

管轄嵩縣營守備一員駐劄伏牛山孫家店 原駐嵩縣城內

乾隆九年經制把總二員 駐防嵩縣城內一員乾隆九年奉文守備移駐孫家

店派撥河北鎮標右營把總一員隸嵩縣營駐縣城分防永寧一員原設分防盧氏把總一員乾隆二十

六年奉文將盧氏汛撥歸陝州營管轄嵩縣營原設
把總帶兵撤回孫家店操防乾隆二十九年奉文將
把總調撥陝州
營郭村汛駐防

經制兵丁一百七十六名 內馬兵三十六名守兵一百四十名 原額兵丁一百五十九名乾隆九年抽撥河北鎮標右營馬兵四

名守兵十六名共一百七十九名乾隆二十九年調本營馬兵一名守兵二名歸陝州營

郭村汛現在兵丁一百七十六名

經制官馬八匹兵馬三十六匹 兵馬原額三十三匹今添設三匹

歲共支俸餉米折馬乾等項銀三千七百二十一兩

四錢三分一釐

管轄王祿店營守備一員 乾隆二十六年奉文王祿店營歸河北鎮標中軍遊

擊兼外委把總一員 舊防原武乾隆二十六年奉文改歸王祿店營協防

經制兵丁一百二十九名 內馬兵二十六名守兵一百二名 原額兵丁一百二十一

名原武汛改歸本營帶有原設馬兵一名守兵七名現在兵丁一百二十九名

經制官馬四匹兵馬二十五匹 兵馬原額二十四匹今添設一匹

歲共支俸餉米折馬乾等項銀二千七百三十六兩

一錢一分五釐

管轄陝州營守備一員駐劄陝州千總一員外委千

總一員 原防靈寶乾隆二十六年奉文移駐盧氏 把總三員 駐防靈寶一員分防閿鄉

縣城一員分防閿鄉郭村鎮一員乾隆二十九年撥盧氏汛孫家店把總移駐 外委把總一

員 協防額 外委一員 乾隆二十七年奉文添設

經制兵丁三百六十名 內馬兵七十三名守兵二百八十七名 原額兵丁三百

四十名今添設二十名現在兵丁三百六十名

經制官馬八匹兵馬七十三匹 兵馬原額七十二匹今添設一匹

歲共支俸餉米折馬乾等項銀七千五百八兩四錢九分一釐七毫

南鎮兵制

鎮守南汝總兵官一員駐劄南陽府標下左右二營管

轄鄧新營汝寧營信陽營歸德營襄城營陳州營

標下左營遊擊一員守備一員千總二員分防裕州一員桐栢

一員把總四員駐防本城一員分防唐縣一員泌陽一員舞陽一員

標下右營遊擊一員守備一員乾隆五年移駐浙川紫荊關千總

二員專汛南陽一員分防葉縣一員把總四員分防南召一員鎮平一員內鄉一員浙川

員

經制兵丁一千六百五十名內馬兵三百二十八名守兵一千三百二十二名

名原額兵丁一千六百八十名雍正九年奉文添

守兵一百五十九名共兵丁一千八百三十九名乾

隆二年奉文裁左營兵丁六十名歸汝寧營又陸續

裁去十九名九年奉文裁右營兵丁五十名十八年

奉文撥左右營兵丁六十名移駐商城汛現在兵丁一千六百五十名

經制官馬六十匹兵馬三百二十八匹兵馬原額三百四十四匹裁

十二匹

歲共支俸餉米折馬乾等項銀三萬四千八百五十

兩二錢七分六釐

管轄鄧新營守備一員駐劄鄧州經制千總一員分防

新經制把總一員駐防鄧州

經制兵丁二百七十一名內馬兵五十六名守兵二百十五名原額兵丁二百六十六名雍正九年奉文募守兵三十二名共二百九十八名乾隆元年奉文裁汰守兵十二名九年

奉文裁汰守兵十五名現
在兵丁二百七十一名

經制官馬八匹兵馬五十六匹

歲共支俸餉米折馬乾等項銀五千六百九十一兩

八錢六分九釐

管轄汝寧營叅將一員駐劄汝寧府中軍守備一員

左軍守備一員原係襄城營守備乾隆十八年奉文移駐汝寧營商城汛管轄光州光山

固始息縣商城千總一員原防光山乾隆七年奉文移駐光州把總四

五州縣汛地一員乾隆七年奉文自光州移駐分防正陽一員西平一員固始一員外委把

員駐防汝陽一員西平一員固始一員外委把總七員分防上蔡一員羅山一員新蔡一員光山一員息縣一員商城一員光山新店一員原係

歸德營外委乾隆十八年奉文移駐光山縣新店

經制兵丁五百八十九名內馬兵一百一十一名守兵四百八十八名原額兵丁

七百四十五名雍正八年奉文添設信陽營撥去本營馬守兵丁三百一十一名實存四百三十四名九年

奉文添設守兵四十六名乾隆二年左營撥給本營守兵六十名九年奉文裁去守兵七十二名十六年

奉文撥給信陽營馬兵二名守兵九名十八年奉文將光州光山等五州縣撥歸商城守備管轄左右歸

襄四營撥歸本營馬守兵丁一百三十二名現在兵丁五百八十九名

歲共支俸餉折乾等項銀一萬三千八百四十四兩五分二釐米二千一百二十石四斗

經制官馬 兵馬一百一匹

管轄信陽營守備一員駐劄信陽州雍正九年添設千總一

員駐防本城外委千總一員原駐遂平乾隆十六年奉文移駐楊家店把總二

員分防確山一員平頭塚一員外委把總一員原防

乾隆六年奉文移駐平頭塚

經制兵丁三百八十二名內馬兵一百一十一名守兵二百八十一名原額兵丁

三百六十六名雍正九年奉文募守兵四十名共兵丁四百六十六名乾隆六年奉文裁去守兵三十五名十六年奉文添設馬守兵丁十一名現在兵丁三百八十二名

經制官馬 匹兵馬一百一匹

歲共支俸餉米折馬乾等項銀七千九百六十八兩

一錢二分三釐

管轄歸德營參將一員駐劄歸德府守備一員經制

千總二員駐防永城一員把總四員分防虞城夏邑一員鹿邑柘城

一員睢州一員商邱一員原防寧陵柘城乾隆六年奉文移駐商邱

經制兵丁六百九十一名內馬兵一百三十七名守兵五百五十四名原額

兵丁六百八十四名雍正九年奉文添設八十二名共七百六十六名乾隆九年奉文裁減四十二名十八年奉文撥赴汝寧營商城汛馬守兵丁三十三名現在兵丁六百九十一名

經制官馬二十四匹兵馬一百三十四匹

歲共支俸餉米折馬乾等項銀一萬五千七百六十

六兩一錢六分六釐

管轄襄城營都司僉書一員駐劄襄城縣守備一員

乾隆十八年奉文移駐汝寧營新設商城汛千總二員分防禹州密縣一員許州長葛一員

把總四員駐防本城一員分防新鄭一員鄆陵一員

經制兵丁六百五十六名內馬兵一百三十六名守兵五百二十名原額兵

丁六百九十五名乾隆十八年奉文守備撥駐商城撥帶去馬守兵丁三十九名現在兵丁六百五十六名

經制官馬二十四匹兵馬一百三十六匹兵馬原額一百四十六匹

撥去商城汛十匹

歲共支俸餉米折馬乾等項銀一萬三千八百七十

五兩一錢六釐

管轄陳州營都司僉書一員駐劄陳州府原設守備

奉文直隸陳州陞為陳州府改設都司一員經制千總一員原駐太康雍正十年

移駐淮寧為都司中軍經制把總三員分防太康一員原防沈

移駐淮寧將沈邱把總撥防太康分防西華一員商水一員增設外委把總三員

協防扶溝一員項城一員沈邱一員雍正十年沈邱把總移駐太康改設外委

經制兵丁三百九十六名內馬兵七十二名守兵三百二十四名原額兵丁

三百四十名雍正九年奉文添募守兵四十二名乾隆二年奉文添撥守兵七十名共馬守兵丁四百五

十二名現存兵丁三百九十六名

經制官馬十二匹兵馬七十二匹

歲共支俸餉銀米折馬乾等項銀六千八百七十兩

九錢九分四釐 米一千四百二十五石六斗

續河南通志卷之四十一終

續河南通志

卷之四十一

武備志

兵制

十

日
月
星
辰

續漢書

卷之四十一

表
北
丁
卯

